

## ► *Cu participacion di 32 delegado na Curaçao* **“Aruba presente na e “2001 Iterim Meeting International Congress of Maritime Museums”**



Di robes pa drechi: Sr. Dimitri Cloose, director Maritime Museum Curaçao. Sr. Keith Tinker di Nassau-Bahamas, Sr. Peter Neill, chairman ICMM, New York, Sr. Craig Gomez di Nassau-Bahamas y Sr. Frank Croes, Instituto di Cultura Aruba.



Di robes pa drechi: Sr. Dimitri Cloose, Srta. Marleen Melsseu, Sr. Stijn de Leeuw, coordinadornan di I.C.M.M. y Sr. Karel Goedgedrag, Museo Historico Aruba.

**W'STAD/O'STAD** - Dia 7 di October pa 10 di October 2001, a tuma lugar na Curaçao e congreso internacional anual di museonan maritimo. E aña aki e congreso a ser organisa dor di Museo Maritimo Curaçao.

A participa 32 delegado di entre otro Hulanda, Inglatera, U.S.A., Barbados, Macao, Curaçao, Argentina y Aruba. Pa Aruba a participa Sr. Karel Goedgedrag di Museo Historico y Sr. Frank Croes di Instituto di Cultura Aruba.

E topiconan cu a wordo trata ta: 1. Aspectonan di historia maritimo den Caribe;

2. Comercio durante e periodo historico; 3. Esclavitud y comercio; y 4. Pirateria den Caribe.

Diferente excursion y bishita na lugarnan di interes a ser organisa e.o. na e Jewish-Historical Museum, Museo Maritimo Curaçao sigi pa un trip den Schottegat y na Kura Hulanda unda e topico esclavitud y comercio a wordo trata.

Durante e congreso aki contactonan hopi balioso a wordo estableci cualnan sigur ta necesario pa den futuro hanja

informacion y ayudo necesario pa proyectonan di Museonan na Aruba y di I.C.A., tanto pa e proyectonan andando como pa

esnan den preparacion.

Un danki special ta bai na Unoca cu a haci participacion di e delegado di Aruba posibel.